

Dan bijelih traka, 31. maj, koji se obilježava kao znak sjećanja na više od 3.000 prijedorskih žrtava, obilježen je i u Tuzli na više lokacija. Članovi Asocijacije mladih Stranke demokratske akcije Tuzla su na tuzlanskom Trgu slobode dijelili bijele trake prolaznicima.

Na današnji dan prije 24 godine u Prijedoru je nesrpskom stanovništvu naređeno da obilježi svoje kuće bijelim čaršafima, a da pri izlasku iz kuća stave bijele trake oko rukava.

Predsjednik Asocijacije mladih SDA Tuzla dr.sc. Senad Mehmedinović izjavio je da stavljanjem bijelih traka oko ruke građanima Tuzle članovi Asocijacije žele podsjetiti na strašnu diskriminaciju koju su doživjeli Prijedorčani, samo zato što su se zvali drugačije.

- Naša današnja poruka je pokazati solidarnost prema žrtvama Prijedora, jer ne trebamo zaboraviti da bi ubijena djeca danas bili roditelji, a ubijene žene majke. Iako je Dan bijelih traka poprimio međunarodni karakter, mi zajedno moramo raditi na jačanju svijesti građana BiH i podsjećati na to, da se nikome ta strašna historija ne ponovi, te da bez obzira na boju kože, nacionalnost gradimo društvo jednako za sve - istakao je Mehmedinović.







